

КАНОН УМИЛИТЕЛЬНЫЙ КО ГОСПОДУ НАШЕМУ ИИСУСУ ХРИСТУ

Моли́твами свя́тых о́тец на́ших, Го́споди Иису́се Христе́
Бо́же наш, поми́луй нас. Ами́нь.

Трисвятое. Пресвята́я Тро́ице: Слава, и ныне: Оче наш:
Го́споди, поми́луй. (12 раз.) Слава, и ныне: Приидите,
поклонимся (Трижды.)¹ Псалом 50.

КАНОН, глас 2-й

Песнь 1

Ирмос: Во глубинѣ постла́ иногда́ фараонѣтское всево́инство преоружѣнная
си́ла, вопло́щенное же Сло́во всезло́бный грех потреби́ло есть:
препросла́вленный Госпо́дь, сла́вно бо просла́вился.

Припев: Иису́се Сладча́йший, спаси́ мя.

или: Го́споди Иису́се Христе́, Сы́не Бо́жий, поми́луй мя грѣшнаго.

Иисусе́ Сладча́йший Христе́, Иису́се долготерпели́ве, ду́ши моея́
я́звы исцели́, Иису́се, и улади́ се́рдце моё, Многоми́лостиве,
молю́ся, Иису́се Спа́се мой, да велича́ю Тя, спаса́емый.

Припев.

Иисусе́ Сладча́йший Христе́, Иису́се, отве́рзи пока́яния ми дверь,
человеколю́бче Иису́се, и приими́ мя, Тебе́ припада́юща и те́пле
прося́ща, Иису́се Спа́се мой, согре́шений прощѣ́ния.

Слава: Иису́се Сладча́йший Христе́, Иису́се, исхити́ мя из руки́
льсти́ваго велиа́ра, Иису́се, и сотвори́ десна́го предста́теля сла́вы
Твоея́, Иису́се Спа́се мой, ча́сти шу́ия мя избавля́яй.

И ныне: Иису́са ро́ждшая Бо́га, Влады́чице, моли́ о непотре́бных
рабе́х, Пречи́стая, я́ко да му́ки моли́твами Твои́ми изба́вимся,
Нескве́рная, оскверне́нии, сла́вы присносу́щныя наслажда́ющесея.

Песнь 3

Ирмос: На ка́мени мя ве́ры утверди́в, разшири́л еси́ уста́ моя́ на враги́ моя́.
Возвесели́ бо ся дух мой, внегда́ пе́ти: несть свят, я́коже Бог наш, и несть
пра́веден па́че Тебе́, Го́споди.

Припев.

Услы́ши, человеколю́бче Иису́се мой, раба́ Твоего́, вопи́юща во

¹ Полный текст этих молитв см в разделе «Молитвы утренние»

умилѣнии, и избáви мя, Иисýсе, осуждѣния и мýки, едѣне долготерпелѣве, Иисýсе Сладчайший многомѣлостиве.

Припев.

Подъимѣ рабá Твоегó, Иисýсе мой, припадающа со слезáми, Иисýсе мой, и спасѣ, Иисýсе мой, кáющагося мя и геѣнны, Влады́ко, избáви, Иисýсе Сладчайший многомѣлостиве.

Слава: Врѣмя, Иисýсе мой, е́же дал ми есѣ, во стра́сти иждѣх, Иисýсе мой. Тѣмже, Иисýсе мой, не отвѣржи мя, но воззовѣ, молю́ся, Влады́ко Иисýсе Сладчайший, и спасѣ.

И ныне: Дѣво, ро́ждшая Иисýса моего́, моли́ избáвити мя геѣнны, едѣно предстáтельство оскорбля́емых, Богоблагодáтная, и сподóби мя жѣзни, Всенепоро́чная, нестарѣющияся.

Гóсподи, помѣлуй. (*Трижды.*)

Седален, глас 1-й

Спа́се мой Иисýсе, блóднаго спасы́й, Спа́се мой Иисýсе, приѣмый блудни́цу, и менѣ ны́не помѣлуй, Иисýсе многомѣлостиве, спасѣ, ущѣдри, о Иисýсе благодѣтелю, я́коже, Благоутрóбне, Манассѣю, Иисýсе мой, я́ко Едѣн человеколю́бец.

Слава, и ныне: Моли́твы Своѣх раб приими́, Богородѣце, и избáви ны от вся́кия беды́, я́ко ро́ждшая Христá Спа́са, избáвителя душ на́ших.

[В среду и пятницу:]

Слава, и ныне: И́же Твое́ заступлѣние стяжавше, Пречѣстая, Твоѣми моли́твами от бед избавля́емся, и Крестóм Сы́на Твоегó всегда́ сохраня́еми, по до́лгу Тя вси благочѣстно велича́ем.]

Песнь 4

Ирмос: Пришѣл есѣ от Дѣвы, не ходáтай, ни Ангел, но Сам, Гóсподи, вопло́сся, и спасл есѣ всего́ мя челове́ка. Тем зовú Ти: сла́ва си́ле Твое́й, Гóсподи.

Припев.

Исцели́, Иисýсе мой, души́ моея́ я́звы, Иисýсе мой, молю́ся, и руки́ мя исхитѣ, Иисýсе мой благоутрóбне, душетлѣннаго велиа́ра, и спасѣ.

Припев.

Согрешѣх, Иисýсе мой Сладчайший, благоутрóбне; Иисýсе мой,

спаси́ мя, прибега́ющаго к покрóву Твоему́, Иису́се долготерпели́ве, и Ца́рствия Твоего́ мя сподо́би.

Слава: Никто́же согрешí, Иису́се мой, я́коже согрешíх аз, ока́янный, но припа́даю моля́ся, Иису́се мой, спаси́ мя и жи́зни, Иису́се мой, насле́дие ми да́руй.

И ныне: Всепе́тая, Иису́са ро́ждшая Го́спода, Того́ моли́ изба́вити му́ки вся, пою́щая Тя, и Богоро́дицу вои́стинну имену́ющая.

Песнь 5

Ирмос: Просвеще́ние во тме лежа́щих, спасе́ние отча́янных, Христé Спа́се мой, к Тебе́ у́тренюю, Царю́ ми́ра, просвети́ мя сия́нием Твои́м: ино́го бо ра́зве Тебе́ бо́га не зна́ю.

Припев.

Ты просвеще́ние, Иису́се мой, ума́ моего́, Ты спасе́ние отча́янных душі́ моея́, Спа́се, Ты, Иису́се мой, му́ки изба́ви и ге́енны мя, зову́ща: спаси́, Иису́се мой Христé, мя ока́яннаго.

Припев.

Всеконечно́, Иису́се мой, ко стра́сти безче́стия низве́ржен ны́не зову́: Ты, Иису́се мой, по́мощи ми ру́ку низпосла́в, исто́ргни зову́ща: спаси́, Иису́се мой Христé, мя ока́яннаго.

Слава: Оскверне́н ум, Иису́се мой, обно́ся, взыва́ю Ти: очи́сти мя от скве́рны прегреше́ний и изба́ви мя во глуби́ны зло́бы от неведе́ния низпопóлзшагося, Спа́се Иису́се мой, и спаси́ мя, молю́ся.

И ныне: Иису́са ро́ждшая, Острокови́це Богороди́тельнице, Того́ умоли́ спасти́ вся правосла́вныя, мона́хи и мирскія, и ге́енны изба́вити зову́щая: ра́зве Тебе́ предста́тельства твёрдаго не зна́ем.

Песнь 6

Ирмос: В бе́здне грехо́вней валя́ясь, неизсле́дную милосе́рдия Твоего́ призыва́ю бе́здну: от тли, Бо́же, мя возведи́.

Припев.

Иису́се мой Христé многомíлостиве, испове́дающася приими́ мя, Влады́ко, о Иису́се, и спаси́ мя, и от тли, Иису́се, мя исхити́.

Припев.

Иису́се мой, никто́же бысть ин блудни́к, я́коже аз, стра́стный, о Иису́се человеколю́бче: но Ты, Иису́се, мя спаси́.

Слава: Иису́се мой, блудни́цу и блу́днаго, и Манасси́ю и мытаря́ преидо́х, о Иису́се мой, страстьми́, и разбо́йника, Иису́се, и ниневи́тяны.

И ныне: Иису́са Христа́ моего́ ро́ждшая, Пречи́стая Де́во, еди́на

нескверная, осквернена суща мя моли́тв Твои́х иссо́пом ны́не очисти́.

Го́споди, поми́луй. (*Трижды.*) Слава, и ныне:

Кондак, глас 6-й

Иисýсе Спа́се, очисти́ и спаси́ мя, я́коже иногда́ блудни́цу, разбо́йника же и блу́днаго, и мене́ ны́не поми́луй, Всеще́дре и Благосе́рде Го́споди, и му́ки изба́ви мя, моли́твами Пречи́стыя Твоея́ и Всепе́тыя Ма́тере.

Икос

Земна́я и вре́менная возлюбих, ве́чных благ лишихся, Христé Иисýсе, Еди́не человеколю́бче, грéшников не отсека́емая наде́жда, но ми́лость ка́ющимся проли́я, и мене́ ны́не ка́ющаяся не прэ́зри, Иисýсе, разуме́ю бо разбо́йника испове́данием спасе́на, и мыта́ря ми́лостию очи́щена, та́ко и блудни́цу помышля́ю пла́кавшуюся, я́ко всем сих положи́л еси́ о́бразы покая́ния. Прети́ши бо ми́лостивне, и милосе́рдуети. Те́пле ка́ющаяся ви́диши, и проти́ву тече́ши я́ко Оте́ц. Аще́ у́бо восхо́щети, мо́щен бо еси́ и моя́ отпусти́ти грехи́, и́миже по креще́нном обе́те оскверни́хся, но чистоту́ я́ко Бог пода́ждь ми, моли́твами Пречи́стая Твоея́ и Всепе́тыя Ма́тере.

Песнь 7

Ирмос: Образу́ злато́му на по́ле Деи́ре служи́му, три́е Твои́ о́троцы небрего́ша безбо́жнаго велéния, посреде́ же огня́ вве́ржени, ороша́еми поя́ху: благослове́н еси́, Бо́же оте́ц на́ших.

Припев.

Христé Иисýсе, никто́же согреси́ на земли́ от ве́ка, о Иисýсе мой, я́коже согреси́х аз, ока́янный и блу́дный. Те́мже, Иисýсе мой, вопи́ю Ти: пою́ща мя ущéдри, благослове́н еси́, Бо́же оте́ц на́ших.

Припев.

Христé Иисýсе, ко стра́ху Твоему́, вопи́ю, пригвозди́ мя, о Иисýсе мой, и окорми́ ны́не ко приста́нищу благооти́шному, я́ко да, Иисýсе мой ще́дре, пою́ Ти спаса́емый: благослове́н еси́, Бо́же оте́ц на́ших.

Слава: Христé Иисýсе, тма́ми обеща́х Тебе́, стра́стный, о Иисýсе мой, покая́ние, но солга́х ока́янный. Те́мже, Иисýсе мой, вопи́ю Ти: нечу́вственне пребыва́ющую ду́шу мою́ просвети́, Христé, отце́в Бо́же благослове́н еси́.

И ны́не: Христа́ Иисýса ро́ждшая стра́нно и па́че естества́, Того́ моли́, Всенепоро́чная, я́же чрез естество́ моя́ прегреше́ния вся прости́ти ми, Острокови́це, да зову́ спаса́емый: благослове́на еси́, Бо́га

плóтию рóждшая.

Песнь 8

Ирмос: В пещь óгненную ко отроко́м евре́йским снизше́дшаго и пла́мень в ро́су прело́жшаго Бо́га, по́йте, дела́, я́ко Го́спода, и превозно́сите во вся ве́ки.

Припев.

Тя, Иису́се мой, молю́: я́коже блудни́цу, Иису́се мой, изба́вил еси́ мно́гих согреше́ний, та́ко и мене́, Иису́се Христé мой, изба́ви, и очисти́ оскверне́нную ду́шу мою́, Иису́се мой.

Припев.

Прекло́нився, Иису́се, безслове́сными сластьми́, безсловесе́н яви́хся и ското́м воистинну, Иису́се мой, стра́стно ока́янный уподо́бихся; те́мже, Иису́се, безсловесия́ мя изба́ви.

Слава: Впад, о Иису́се, в душе́тленныя разбо́йники, обнажи́хся оде́жды, Иису́се мой, боготка́нныя ны́не, и лежу́ ра́нами уязвлен; елéй, Христé мой, возлéй на мя и вино́.

И ны́не: Иису́са моего́ и Бо́га носив́шая Христá несказáнно, Богоро́дице Мари́е, Того́ моли́ присно́ от бед спасти́ся рабо́м Твои́м, и певце́м Твоим, Неискусому́жная Де́во.

Песнь 9

Ирмос: От Бо́га Бо́га Сло́ва, неизрече́нною му́дростию прише́дшаго обнов́ити Ада́ма, я́дию в тле́ние па́дшаго лю́те, от Святы́я Де́вы неизрече́нно воплоти́вшагося нас ра́ди, ве́рнии единому́дренно пе́снями велича́ем.

Припев.

Манасси́ю, Иису́се мой, мыта́ря, блудни́цу, блу́днаго, ще́дре Иису́се, и разбо́йника преидо́х, Иису́се мой, в де́лех сту́дных и безме́стных, Иису́се; но Ты, Иису́се мой, предвари́в, мя спаси́.

Припев.

От Ада́ма, Иису́се мой, согрешив́шия вся, прё́жде зако́на и в зако́не, Иису́се, и по зако́не, ока́янный, и благода́ти, Иису́се мой, победи́х страстьми́ ока́янно; но Ты, Иису́се мой, судьба́ми Твои́ми спаси́ мя.

Слава: Да не отлуче́н бу́ду, Иису́се мой, неизрече́нныя Твоея́ сла́вы, да не улучу́ ча́сти, Иису́се, шу́ия, Сладча́йший Иису́се; но Ты мя десны́м овца́м Твои́м, Христé Иису́се мой, сочета́в упоко́й, я́ко благоутро́бен.

И ны́не: Иису́са, Богоро́дице, Его́же носила́ еси́, еди́на неискусому́жная Де́во Мари́е, Того́, Чи́стая, уми́лостиви, я́ко Сы́на Твоего́ и Жиждите́ля, изба́вити притека́ющия к Тебе́ искуше́ний и бед, и огня́ бу́дущаго.

Молитва ко Господу нашему Иисусу Христу

Владыко Господи Иисусе Христэ Бóже наш, Иже неизречénнаго рáди Твоегó человеколóбия на конéц веков в плоть оболкíйся от Приснодéвы Марíи, славим о нас Твоé спасительное промыслéние рабí Твои́, Владыко; песнослóвим Тя, я́ко Тебé рáди Отца́ позна́хом; благословим Тя, Егóже рáди и Дух Святы́й в мир при́иде, поклоня́емся Твое́й по плóти Пречíстей Мáтери, таковéй стра́шной та́йне послужíвшей; восхваля́ем Тво́я Ангельская ликостоя́ния, я́ко воспевáтели и служíтели Твоегó вели́чества; ублажа́ем Предте́чу Иоáнна, Тебé крестíвшего, Господи; почита́ем и провозвестíвшия Тя проро́ки, прославля́ем апóстолы Тво́я святы́я; торжеству́ем же и мученики, священники́ же Тво́я славим; поклоня́емся преподо́бным Тво́им, и вся Тво́я праведники́ пестунствуем. Таковáго и толи́каго мно́гаго и неизречénнаго ли́ка Божéственнаго в моли́тву приводим Тебé, всещéдрому Бóгу, рабí Твои́, и сего́ рáди про́сим нашим согрешéнием прощéние, е́же да́руй нам всех Тво́их Рáди святы́х, изря́днее же святы́х Тво́их щедрóт, я́ко благословéн еси́ во вéки. Ами́нь.

Досто́йно есть я́ко войстину́ блаж́ити Тя Богорóдицу, Присноблажénную и Пренепорóчную и Мáтерь Бóга нáшего. Честнéйшую Херувим и славнéйшую без сравнénия Серафим, без истлénия Бóга Сло́ва рóждшую, сущую Богорóдицу Тя велича́ем. *(Поклон)*

Сла́ва, и ны́не: Господи, помилуй. *(Трижды.)* Господи, благослови.

Господи, Иисусе Христэ, Сы́не Бóжий, моли́твами Пречíстия Твое́й Мáтере, преподо́бных и богонóсных оте́ц нáших и всех святы́х помилуй и спаси́ нас, я́ко Благ и Человеколóбец. Ами́нь.